


কল্যাণ

ধনঞ্জয় রাজকুমার



প্ৰকাশিত হৈছে
প্ৰকাশকৰ দ্বাৰা

হৃদয় বাবুয়ানি

ধনঞ্জয় ৰাজকুমাৰ

কবী

প্ৰথম প্ৰকাশ

প্ৰকাশক

প্ৰকাশ

পুৰ্ণিমা লেইৱিক লেইসাং

জ্যোতিৰ্গৰ গুয়াহাটী ৭৮১০২১

কবী

প্ৰকাশ

প্ৰকাশ



HAPANAR BABUANI
POEMS IN BISHNUPRIYA MANIPURI
BY DHANANJAY RAJKUMAR
(C) ENU SINHA

মলাটের শিল্পী
শ্রীকান্ত সিংহ

পয়লা প্রকাশ হাওন ১৩১৯, জুলাই ১৯২২

প্রকাশিকা

শ্রীমতী সন্ধ্যা সিংহ

পুণিয়া লেইক্সিক লেইসিচ

জ্যোতিনগর পুয়াহাটি ৭৮১০২১

হাপানি শ্রীমতী সন্ধ্যা সিংহ,

সাহিত্য প্রিন্টার্স বহেজ রোড হাইলাকান্দি ৭৮৮১৫১



দাম কুণা বারহান

শ্রীমতী কুমকুম সিংহরে

মেগর কাদাং গেলেগা

সিঙরে

কবিগ বুলিয়া জন্ম অর

লেখকৰ আৰ আৰ লৈৱিক

ৰুবাইয়ৎ-ই-ওমৰ খৈয়াম

ডিগল আতহানল মোৰে

মিকুপৰ ঢেৱী ফুল

ব্ৰজেন্দ্ৰকুমাৰ সিংহৰ লৈৱিক

চক্ৰবৰ্ত্তি (নাটক)

লেহাও ফুলগৰে

এলাৰ খুংতল

ধ্ৰুৱপদ

মেরাক সেরাক

কণ্ঠনিৰো (নাটক)

পুংলল

মেইকেই (নাটক)

ed. Bishnupriya Manipuri Language & Literature

মাতিল কথাতে কিংতাউ নেই । লাল খানি আছে ওহানি এসাদে চুমইতই—

২০শ পৃষ্ঠার পরলা পারেঙে—

দ্বির আভে দরেহং

২২শ " কবিতাহানর নাঙহান—

অন্নপূর্ণা মিঙালহান

১৩শ " ১৮শ পারেঙে—

উমহানাং মিঙে সালছু

২৪শ " লেইখমসেনার এলাহান কবিতার ২য় পারেঙে—

জন্তের আশাহানির গজ্জেদে

৩৪শ " ৪র্থ পারেঙে—

বিন্নানহানে খামপালগর সাদে

৩৫শ " ২৩শ পারেঙে—

এতাং বুয়ে ষাউরিগা ।

এহানি কবি লক্ষ্মীললই দরে দিলতা । আরতা থা খাইলে ডাককরে দিবাং ।



৮দিলীপকুমার সিংহ বার ৮উত্তমকুমার সিংহরে লেরিকহানলেহে নিংসিং
অউরি । কবিতা এহানি কারকাতে ইকরলুতা ।



কবি সন্ধ্যা সিংহ, কবি শিল্পী শ্রীকান্ত সিংহ, কবি সুধনু সিংহ,
কবি চাম্পালাল সিংহ, শ্রীপরিমল সিংহ, শ্রীগোপকুমার সিংহ বার অভিনেতা
শ্রীনিশিকান্ত সিংহরাং স্বগণ মাহেইল থাইলু ।



ধনজয় ! তোর ব্যর্থতার ইতিহাস আর ডিগল নাকরি ।

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

সূচীপত্র

হপনর বাবুরানি ৯

দুঃখ ১০ মিতে কুরাং যিতুগা ১১ জাঙহানি কুরাং থইতু ১২

কুরাং মাঙইলে হপনহান ১৩ বসন্তর বৌহানরে ১৮

আমার যাত্রাহান ১৯

নিংসিঙর গাছজার ২০ না ইকরেছু পারেঙহান ২১

অন্নপূর্ণা মিঙালহান ২২ কিতাল প্রোমে হমেইতু ২৩

লেইখমসেনার এলাহান ২৪ তোরং লালইলু ২৫ দুরেইতে নাকরিছ ২৬

বিপ্লব ২৭ আহিথম ২৮ আকতারগউ নাগই ২৯

মেঘ মল্লার ৩০ সর্বনাশ এহান ৩১ ভিক্ষাহান ৩২ গরগ ৩২

মেংলেশহান ৩৩ লাল্লে গেলগা ৩৪

হমাজি গাছির গাঙে ৩৫ কথা ৩৬ তোর গারিগৎ ৩৬

তি মোরে ৩৬ স্মৃতি ৩৭ পো ৩৭

মেয়েকগ ৩৮ হপনহানর কাদাৎ ৩৮

রাতিহান ৩৯

জোনাকর মিঙালহানরে ৩৯

হমাহান ৪০ এপেই থানা ৪০ কুকুরগরে ৪১

কয়গ ডহিল ৪১ চিনতেই নাই ৪১

আইগা ৪২

THE

LIBRARY

OF THE

UNIVERSITY OF

CHICAGO

1890

1891

1892

1893

1894

1895

1896

1897

1898

1899

1900

1901

1902

1903

1904

1905

1906

হপনর বাবুমানি

হারৌ অইলু । আরতা মোর হুং নেই, মারৌ নেই ।
মি আকদিন হপনেদে বাবুগ অয়া বুললুগা ।
হপনহান বুজে নীলুয়া নুংশিপা আহান ।
মুরগর গজে আন্দিয়া বৌহান ফিরালহান অছিল ।
আতরর গং আহানে হারৌ হারৌ অয়া হাবিরে মাতেইলগা ।

আরাক আকদিন আর হপনেদে পেট বুজে
কুপাঙহান চুড়া কাকরিয়া
দলা চৌলর বাত খেইলু । চাইতেংগংগ বুজে হৌ ।
হুয়াং উহান এবাকাউ পাছরে নুয়ারুরি ।

উতার পিছে হপনেদে সাং হবা জেলা আপ আনলুগা ।
তেইর কচুহান পৌষর বেলিটিকর সাদে উম,
আহির পুয়া উগি হুংহানর সাদে যেঙ,
কাপকলেই ফুলর সাদে নাঙিগ,
বরিষার পাটহানর সাদে উরংগি,
পারাহান মাদানর বেলিহানর সাদে কঙালা,
গারিগ বেরেরা নুঙেই আহান থং থং করের ।
উগৈ মুকসি দিয়া মোর বুকগং আহির পানি বেলল

উতার পিছেদে আকদিন উমারে হপনেদে দেখলু ।
ইমাই মাতল "হুনাশৌ, হারৌ অইলে নাই ।
করেছিলে আশা হানি হাবি খুঙল ।
পুষ্টি অয়া পালয়া থাইছ । মি বর দিয়ৌরি ।"

এখুরমতে বাত হাত চারা নাহেয়া থাইলেউ
হপনর বাত উচারাল পেট বুজৌরি ।
পিদিগ ফুতি নাপেইলৌ হপনর বাবুমানি উহানে
গারিগ গুরিয়া থর ।

ঠাইগত বাত উত্তার নুংলি ফাপ নিকুলের ।
 বাকুনা থুঙয়া আছু থাঙো হপনর লংহানল
 আকথুলাঠৈ মুকসি মুকসি দিরৌরি ।
 মানুর মোয়েই দেখলে খালকরুরি—এগতে কিগ ।
 এগরাংত সাং হবা, দৌগ পারা আগ
 হপনেদে অইলৌ পাহিলু ।
 মনহান ! অবুর নাই,
 তেই আনেছিলি কাঠি ঔদুরি নিংসিং অইছ ।

ইমাই দিল বর ঔহানহে ভয়করহান ।
 জিতা অনাব ভরি এহানল
 পুন্নি অয়া পাজরাতে কিতা করতু !
 সেইপাঙ জনমে আকহানৌ আশা না থুঙেল ।
 হপনর ইমহান থাইতে থাইতে মরে পড়লেগাতে
 হারৌহানল গিন্না পারৌরিগা নাই ।

দুঃখ

শূকহানাং শব্দ আগরে মাংলু :
 মাগা, থামপালগ অয়া শাতগা ।
 নিঙল আগরে মাংলু—মাগা,
 ঔগর গজে চলকলার সাদে পারাহান দিন্না উবা অগা ।
 তোর মেইথংহানাংত জঙক লিক লিক করের
 আহির পানির বিন্দু আগ ।
 ঔত্তার উত্তং স্মৃতির সাদে নিকরতে থামপালগ ।

থামপালগ ! তোর নাঙহান কিহান ?
 ঔগে বিষাদর হাদিংত মুকসিহান দিন্না মাংলু—
 মোর নাঙ - দুঃখ ! মোরে নাচিনর থাং !
 কনাকত তোর মারুপগ অয়া আছুগ ।

মিতে কুরাং যিতুগা

বেলিহান নঙেছে মাটিং শাতর আমুলি ফুল ।

মি এপেই থায়া ডাঙর অউরি ।

আঙহানাংত যারা নিকুলিয়া পাতালহান স্করণা ।

মাংল—“আত বিয়হানিল মরেহু থামপাল এগ

না মানি । তি এগর মাটিক নাহৎ । হাগহান পেয়া

উটোলউ এগ লাক্করে নুরাংতেই” ।

হেইনোর পাতাং, কুনারেইর কুড়িং, হটিকার হজকে,

থাকে লেহাওর ছেয়াং—ষেপেই মাউরিগা

উপেই হুনোরি—“তি জনম আহান না মানি ।

এহানর মাটিক নাহৎ । না মানি, আর না মানি ।”

দুরেই হাগহানাং নঙেছে ফিরালহানর বোহানর সাদে

বেলির কচুহান মামো আহের ।

কাদার বিশ্বসংসারহানাং—মানু এহান বাতর বকে, পানির টাটিরে অরা

ভোরে বিসারতারা । পথ এগ—তি খেলমাটির আঙেইহান উরিয়া,

নিংথি কালিয়া গিলা খেলাউরি আটুগি খেঙে

উঠান আহানাং গিয়া থামর ।

কনাক এহান ভোরে বিসারেরা তারাক পৃথিবী আহান পেয়া

সিংগা বুলেছিলু । পথগ মাউল ।

হজাক রাতিহানর মাংহানর সাদে চারিরবারা বুজিয়া আছিল

মোর আকখুলা বানাহান । মোর আকখুলা মাকপগ ।

ভারেল মি খেওয়াহান লালৈভো বুলভে

এপেই মি আকতারো মাটিক নাইলু ।

মানু এহান হাবি তোরাং সালছি ।

মিতে কুরাং যিতুগা

জাঙহানি কুৰাং থইতু

জাঙহানি কুৰাং থইতু ? দুখ তি কুৰাং !

এতাহাবি হিন দুখ, এতাহাবি—

কইতে বোহান, কই ! যেপেই বাহেৰ তোর
তথাগত পৌ ।

যেপেই অলছে থং

হুদিগৰ লুংলিপা মিঙাল — এপাৰ হোঁপাৰ ।

মিঙালৰ তলে আছে নীলুয়া পাতাল ।

আধাৰহানাং তিতে এতা পাৰা দিলে

মিতে বিন্দু আগ মাগেছিলু ।

এতা হবি কুৰাং থইতুগা

তোৰ আত্মদ্বিহান দেনে,—দুখেই নাকুরি ।

জিঙানি নাইকই জানু, নুয়াননি ; উহানতে পাৰতো ।

উতাউ আজিতে তোৰ দ্বিহান আত

জোনাকৰ মিঙালৰ সাদে

ঠইগং ইঙয়া লাগক, খোন্সুগং তিহাসৰ পানি অন্ন

তি হাই বুজোদে । জগৎ এহান খানি

চিকিয়া জিৰাকা

জাঙৰ তলেদে আছে নীলুয়া পাতাল

আততানল লাককৰ মোৰে—পড়ানি নাদিছ ।

জাঙহানি কুৰাং থইতু ?

দুখ ! তি কুৰাং !

কুৰাং মাঙইলে হপনহান

এৰাকা কুৰাং আহং হপনহান, কুৰাং মাঙলেনাতা !
আহিৰ মুঙে আহিলেন কুৰাং গেলেনা !
এপেই মোৰ কাদাং বহেছিলেন আঠগং মূৰগ দিয়া
মি তুণ্ডমহান পাৰা অৰা গেছিলুগা পাউরি
আৰাক আকগদে চেয়া বেরছিলু পাউরি
মূৰাকহান চেয়া পলেনা গেলেনা ।

চাঙে পড়েছে কলা লাকাং আহান
এইয়া আক ভাংখা পান্য আক ভাংখা
ফল ফল ফালদেই ঠই এগ
কলাৰ লাতল আগং দিয়া
ভোৱাং মি উসিগহান সিলকরেচুগ ।

ভোৱে নিংসিং অইলে হকগ আতের ।
চাৰা এলককুৰি দিন ঔহান
বান্দাৰা পাউরি দিন ঔহান
কাৰ্তিকৰ পালিৰ কাপক
বিয়ানে সেলকমল উটিয়া খেইং বুলতে
মূৰাৰা পানিল হিনপাউরি উবাৰা
কৰেইৰ সিনচু পাউরি উবাৰা
ৰাজ্যৰ এইৰ মচাহান মুকাউৰি উবাৰা
কুমেই চানাং গেলেনা
ভোৱে নিয়াম নিংসিং অউৰি ।

একাদশীৰ পাৰানা কৰিমা না জিৱাছু
জাৱৰ পৰে গৰগৰ লেহে গিয়া চেইলুগা
ফুংকাং জি ফুয়াৰতানা কিতা ।
সৌকৰাৰ পৰে সৱকাঠীগং হিনাৰসাং বুলিয়া ।

পানিয়ে কাজিয়ে অন্ন হিনপাছি মানু ঔভারে আংকরলু
 লওয়া ডেঙরা দেছি মানুর গাঙ লালয়া গেলুগা
 মালঠেপগরমা ইমাইন্দলর কালুং
 নাপুর তলফুতি পিদেছি কইনা ঔভার মুর ফুতি
 নিরাল, আহি বার শিচুমগি চেইলু,
 ঠুয়রা জিরাছি দুরেইর নীলুয়া চেঙারার হুংখং বিসারলু
 তি আকপেইও নেই
 ভোরে দেচেকুরা আকপো নেই ।

বেকুরিজারিং টাঙেছিতানা কিতা বুলিয়া গেলুগা
 তি নেই । আকপেও নেই । কুরাভো নেই
 ঠিক চাকুরাই মাতে শুরারভারা
 নিঙলে হারনাপাছি, বোয়েইএ নাদেহেছি
 ইসালপাই ডাকুলাই দুরারে নাচিনেছি
 কুরাউলি দওয়াউলি বালা আটেকুরাই নাজানি
 তেরিক দেকুরাই থিকরেকুরাই বাবকে থোপুয়ে হার নাপাছি ।

কাঙ খেচুরির পালি কুম্ভজনা
 হরিবলা এ হরি
 গোবর্ধন পূজা সংক্রান্তি বিয়ং তি নেই

গাগরা চেংকুড়ির দলে কইতে তি ?
 লেমপারাজ র ফিটাহানাং ভোরে নাপেইলু
 সেলানায় কীর্তন রাস রাখোয়ালে নাথার
 পেভার অজাই এলা দিতে
 বাবুলোক অজাই ডাক বারেইতে
 দেওয়ানে দুরারগ অন্ন নাহতে
 আনু.সনাই রামায়ণ দিতে
 গোকুল কীর্তনীয়ে মানু হজাক করতে
 নীল কালাসেনাই কাংলা দিতে

আমার মুনিশো ওগই কুঙ্গল অরা নাহতে তি নেই ।
ওহানে একাকিতে কুমেই কিতাউ না কার ।

মি বেলাছিলু আতির পানি কুনারেই দরভট
কইতে কিতাউ নাইল ।

লুকেরা থছিলু ফুলভাল আপপানে হুকিয়া পেলনা
হেরাগে উবা অছিলু গাছ ওজারক ররা ডেঙ আগং
কওয়ার হেইমাক আহানে রহিলা ।

মাদানর লপুকে বেলিহান থামপালগ অলইতই
লোমুমাংরা বোরেই এহানে চানারকা বালাছিলাতা ।
লয়ইতেগাতে বেলিহানরে লুমে খেইলা ।
পাকে সিকাছি পুরানা আঙেইহান পারা জোনাকলান
আর হাংহানরে উবা দেনা নাকরল ।

খলমাটির আঙেই, দপুর, মাঠার কানি,
ইকাইতালির ফুল, রাতিকার কণার বেছুরির বো,
ভয়ত্রিশ বাংলার পানি—আকতাউ হবাই বালাই নেই
আধার এহানরতাউ লুয়া দপহান গেছেগা ।

আজি কালি বোবানার গজেদে আছিল
গেইলাকলেই ওতা মরেছে ।
বরণহানরমা খেলনা মাদানকার রাতিরা মাছ ওতা মাড়ছি
মাং হবা নিঙলর থামপাল বুকেদে
মধু লিলা ভয়রা ওতা পাহিয়াই খাছি ।
কার হেইদিনং লাভহেতা রাতা সিন্দুয়
আমার জেইমাম নিরালরমা টাঙেছি নামসা
জগৎ এহানর খতাং মাধুকরীর এলা ।
মোরেতে মি কুরাং থইতু ।

মোর জনম এহানরে মি ভামফাগ করে গারগং নিদেছিলু ।
 আন্তহানাংত কুরাং পড়িল কিগৈ জানে ।
 মি সংসারহানাং খংমেই দরিয়া বিসারাউরি
 গরগ ফামফুতি জিম্বকি আহান ।
 আছি মানু উতা আকগরেউ চিনে নুয়ারলু ।

নীলুয়া হাগ এহানর লগে সারিপরি দিয়া
 বেলিহানর লগে ভেয়া আগং বয়া
 পাট এহানর লগে কলনা কলনি দিয়া পড়িয়া থায়া
 বিয়ানহানর লগে ফিগই সিলকরিয়া উদাক বাদেয়া
 বেলিটিক এহানর লগে কুপাং আহানাং বাত খেয়া
 টেডারায় গাহ বিকক উত্তারে আঙেইহান করে উরিয়া
 জনম এহান লালইতই বুলিয়া কোজীহানাং আছিল ।

মোরাং তি কতিউ হিনপা গেছগাতা
 দাপদিয়া গেলেগাতাতে ।
 মি আরো তি যেহান করর উহান
 হাই বুলেদেউয়িতা ।
 নাইলেভে ডাঙর অয়া আহর মাংহেই
 চরিত এহান থিরো যারগাতা ।
 মানুয়ে টাক মগকরলা সাংহান
 কতি সাকতি অইলতা চা বেনাই মেংশেলহানাং ।

মোর মলগং আন্দিয়া বড়র পাহিরা আদৈ অম লেছিল
 ভেয়ার মিঙালেংত নুংলিপা গং আহান আছিল
 ববেইরাং কাংকরলু দাত উগ হনারগ অয়া আলথক অইল ।
 মোর বুকগং কুয়াছিলু খোরাঙর আঠিগংত গাহজার উঠেছিল ।
 আকদিন মাতলু—মিকুপহান ! তি আকুবালা থাক ।
 দিন উহান তোরে মিঠাই খোয়েইলু ।
 আকদিন তোরে হাবিতা দিতৌ বুলেছিলু ।

তিউ মাতেছিলে জনমহান খাইতেই ।
লরইতেগাতে কিসাদে করুংগং লুকেইলেগা কৈগে জানে ।

আগেদে মি আহিং জিপেরা বাজে পারলু
কোন ডেংগং কি ফুল লাভেতা ।
কুতিস মি গাছ ঔজাররে প্রেম করলুগা ।
আগেদে মি দুরেইংত মাতে পারলু
কার গরে স্নেনামল সক করতারাভা ।
আগেদে মি বাসকউলিগ দেখলে
উগর বকচা বয়া গাঙে গাঙে বুললুগা
গরে তি খাইলে খাংতে গরগ এরা দিতে না খালকরলু ।
রাতি পথ আটেতে আতজানাং দরলে খাংতে
তারপার নেয়ছিলুখাঙো পড়তো বুলিয়া ডর নাপেইলু ।

ঘিনতেইনতা খিংতা ঘেইনতা

তি মোর মেংশেলহানর মাংনাহিদাক
তি মোর লিকল খেলার পচিলগ
তি মোর বইরাকর ভৌরেইগ
তি মোর দৌর বাত চাংলুক
তি মোর বাকুণীং লছু কাঠিসুরি
তি মোর হিজেরে বানকুনি
পুরিঅলেয়ে আটুং চিপেইতারো নিললাগ
তি মোর কোনাখাটি টেক টেক ।
কুরাং আজংতা চালাক করে আই
খস-টিং বাগতে, চারিয়বারা ফংকরতে
খেপাং খেতইলু, চেচুরা জারেংতো ফাং নাছু ।
চালাক করে উনা অয়া
মরে পড়লেগাতে আর দেখিং বুললো নাপেইতেই ।

বসন্তর বৌহানরে

বসন্তর বৌহান ! তোরে মি ছুগ্ন কর্তো,
কানখি না সৌকরি ।

তোর কাদাং চেপইলুগা দিন ঔহান
তি মোরে বেলা দিয়া গেলগা ।
নিংসিং অরতা ।

দিন ঔহান মোরে বিসারেয়া হপনহান আহেছিল ।
থরুয়াগ পেয়া কাছে নাপুর আঙালুরিহান
হারোহানে তেইর কাকালিহান কলকরিয়া থাইল ।
কামিনীকুমর সাদে নুংশি বিলেইল রইদহানে ।

পৃথিবীং হুংখ নেই । অভাব নেয়ছে ।
চারা এলকরানি, নুয়ারাপানি কিংতাউ নেই ।
বিসানহান অইবতাই বেগিহানে
মুকসি মুকসি দিয়া মীতের—
কি লেইসিহান করে দিতু মাত ।
রাতিহান অইলে জোনাকর মিডালহান
মেইখংহানাং আবীর গভিয়া

মোরে বিসারলগা ।

নীলুয়া হাগ এহান পাহিয়ার পারেঙহান অয়া
নুঙেই নুংশির গজেদে ফরদিয়া গেলগা ।
সমরহানি ফুলর সাদে চারিয়বারাদে জতিয়া পড়িল

উবাক। তোরে মাতলু—খানি বাসা ।
আরাক খানি বাসা । মোর য়ারি লই নাছে
তি বাসাছিলেতা ।

আজিঙে মত ফুতি শিদিয়া মোয়াং কিয়া
ভিক্ষা মাগাং আইলেতা !

আমার যাত্রাহান

মিঙালর ফিলাং পিদেছে দিন এহান মুঙহানাং আহিল ।
আমি যাত্রা করেছিলোং ঔবাকা আধারহান ।

“সেংগাঙগিং যেহানি পারিলতা লই,
খাংচেং আটেই,
গোপীচন্দ্রনর গাপ থিলছে নারসাগর সাদে
বিলানহান আহিতই”—
এহান আভলতা মুঙর উগই ।
পিঠির ঔগর খাংচেংহান পেইলাং,
মেইখংহানকে দেহানি নাইল ।

বিদেশেংত গরে আরার মানু ।

করাছিলোং হেইনৌ খাটিল মজানি অকরেছে ।
আলীবাদী বরনর ফুটাংগির সফইল মেইখঙহান ।
মুঙহানাং গাটহান, গাটহানাং পানিহান ।
পানিহানাং বপাবপেইর নামাবলীহান বাহিয়া যারগা ।
হৌপারে বাসেয়া আছে ববেই ।

আগর আভে আগই দরেছি ।
খঙহান ! তি আমারে লালকরে দে ।
ভাককরেছে হাবি অপরাধী ।
আমার জাঙর পারা এহানি কঙালা পৃথিবীর বুকগং পড়ে ।
ভেইতে হাবিভাউ দ্যাকরিরিগ ।

পথ এগ লালইলেহে মিঙালহান নাই ।

মিঙালর ফিলাং পিদেছে দিনহানরে পেইলাং ।

দিনহান ! তি দিন্ন আতে দরোছেৎ করতাল হানিল
রাগগ অকর ।

আগি আকখুরুম হমা দিন্না যিকগা ।

নিংলিঙর গাছজার

নিংলিঙর গাছজার ! তি মোয়ে চিনে পারলেভা ?
জনম আহান জালয়া বার মি তোর ছোয়াগৎ আইলু
খানি দুয়েইং মিঙালহান ইয়পানি অয়া বহেছে ।
চারিবারা বুজে পানিহানর সাদে ঠুনিংসা ।
খোরাংহান মাঙকয়েছে এ জনমর ভাল বোহান ।

ইপনহানাৎ মেইথংহান বুলাছিলে,
টেটপাঙেতে আকখুরুম এগদে চা বেনাই ।
মোয়ে চিন ।

মোয়ে আকখুরুম মাতা । আয়াক আগ
বাসেয়া খাইতই বুজেছিলে ? কইতে, কুয়াং ?

তোর কুরোহানাংত পাহিয়া পড়ের আধার এহান ।
কিহান সিল করিয়া মেঙকরলেভা ?
নিংলিঙহান ! ফুলতে কিয়া না লাভেছে ।

কার লগে আকসংটে বিশেষ থকইন্তৌ বুলাতে
ভোরাং আয়া মোরইলু ।
হাত জনম ঠইগৎ জায়া আহিলে নুংলিহান অয়া
মি চারিবারাদে বিসারেকা নাংপেইলু
তোর নুঙেইপা ওচানর গংহান জনে জমে
আয়াক জনম আহান পেয়া বিসারেকা বিভোয়া ।

না ইকরেছু পারেওহান

না ইকরেছু পারেওহান কিয়া মোর গুমহান বাগেদিয়রতা ?

কিয়া বাসেনা খাশগাতা মোর হপনহানাং !

মোর বকতেদে তি আটিয়া যাবগা লকহান পাউরি ।

তোর সালে কিংজাউ আহান করে নুয়ারলু ।

মিকুপ আহান থানা নুয়ারলু আকখুলাগই ।

পথ আটে নুয়ারলু, বিদেশ থকো নুয়ারলু ।

লব আকেইগি জিনজিনির মিঙালর সাদে

মিকুপ আহান ভালইতারা ।

উপমা আকেইহান পাহরেছু হপনহানর সাদে

নিংসিং অনা নুয়াররি ।

ওভাউ তি অন্তরীক্ষ রসাতল বুজিয়া আছ ।

বুকগং মন্দিয়ার রৌহান অরা খাইলে ।

তোরাংত দূরেই অনারকা বিদেশ আহানাং সালইলে

তেরা সেককরেছি হাগহানর সাদে

মোর পথগ ভালকরিয়া থার আধারহানাং ।

পাহরিয়া থানা মনাউরি উবাক

বুকগং জোনাকর মিঙালহান মাটিয়া দিলে তি ।

ত্রিভুবনর যোগদে চাউরি ওগদে

তোর অভিমানী মেইথংহান ।

দুঃখর পৃথিবী এহানাং তোরেল আরাক দুঃখ আহান ।

না ইকরেছু পারেওহান

তোরেল অছ দুঃখ এহানে হাবিংত জিওছে ।

অন্নপূর্ণা মিঠালহান

অন্নপূর্ণা মিঠালহান 'ভি আনা'র অংশে

বর আহান দিয়া যাগা ।

কল্লুরী নুংলিহানর সাদে খোহান আমাংখো খোহানং

বাহিয়া যারগা জনম জনম আপ চন্দ্রক-অনহলি লালিয়া ।

মি নির্বাসনে আছু ইচুদিন ।

কল আহানর আধার হানর লগে

স্বর্গ, মর্ত্য, পাতাল,—ত্রিভুবন, বিশ্বলোক এহান

লাহলাদে আছে । জোনাকহানং ভরহান দিয়া চেরৌ আপ

ক্রৌক মিথুনর নারগ । অকভেদী উপমা

এগদে আকখুরুম চেইহ, খোরাঙহানং কারগ বিদেছে ।

অষ্টাদশী নুংলিহানে হপনহান লঙঙ কহে দেবা ।

মেইথঙহান । ভোরে চানারকা আরাং মেইথঙ আহানরে

মি পথগ নাচিনিরা দিয়াপেটা নুংলিহানর সাদে

আঠৌ আটগ থামগাল আপপানে মাঙরা পেলনা

কনুঙর-পহরিগা ।

ভোলা ডিগল আছে । মিঠালহান লকরা যারগা ।

অলোক বনহান, আতহান ডিগল'কর

লালকরেদে আতিসর বিষাদ আহান ।

মিঠালহান যারৌ নাকরি । যানার আগে বর আহান দিয়া যাগা ।

লালচুম হারি ডাককরেদে

হুংখহান বর আহিনি,

জনমএহান, অষ্টমীর জোনাকহান

হারিবে মাতিয়া যাগা—

ঘোরে না পাহরকা ।

কিতাল প্রেমে হমেইতু

কায় নখর আঁচর এরে জোনাকর মিঙালহানাৎ !
জোনাকহানে মোর আঁকহানাৎ
মিঙালর সেলকম দিতৌ বুলেছিল ।
আহির পানি আয়া নুঙেই নাম্মা গেলগা,
জাতিস্মর ছেয়াগর মামহানাৎ
পাতিয়া থছিলু কুরোহান
লাহলে বাসেয়া থাইল ।
পৃথিবীর এম্বর হোম্বর বুজে লপুকগৎ
হিজা লককরাৎ সালছু ।
হিজারমা ইম্বর উরহানর গৎ
দুরেইৎত ডাহের মোরে—আরাক জনম আহানাৎত ।

এজনমর হিনত্থ লালয়া
মিঙালহান লালয়া, ছেয়াগ লালয়া
রইদহান, বরনহান, ইত সোকরা লালয়া
গুটহানাৎত থেয়ছে পেপুয়াগর সাঁদে
সালছে ঠইএগল
ঠুম মরণ আহানাৎ
ইম্বর উর আহানাৎ, রাহানর উমহানাৎ মিঙ সালছু ।

থংমেই আহানল মোরে রাহিরা থাক, ইমা !
নুংনি আহানল মোরে চেয়া থাক ।
জোনাকর মিঙালহান নখল আঁচরা দেখি কুংগই
আধার এহানাৎ দাত্ত বিদা দেখি কুংগই
জাতহানর হিজা হাবি সিভারেরা পড়েছে ।

মি ডর পাউরি । মোরে ডাক । মি জোর নারগ হনিং
জোর হদিগৎ গিন্না চেপছেগা বুল পথ এগ

আকগ নাথাইলো তোর আহির পানিতে থাক ।

ডাহোরি তোর আতহানতে থাক ।

এপেই বিশ্বসংসার এহান তোর সালে পালাব উবা অছি ।

মি কিতাল প্রেমে হমেইতু ।

*

লেইখমসেনার এলাহান

বৌহানাং শিসকরে দিলু মোর মাত মাঙছে কালানি ।

হকানা পাতার সালে জগের আশাহিনির গজেদে

পারা দিয়া উবা অছে ভরি জাঙ আহান ।

আহির পানি ' তোমারাং কিয়া মেরিক নেই ?

ঠুনিংসাহান, তিতে কিয়া বৌবরনহান অনা নুয়ারর ।

শ্রলানর গজে জোনাকর সিঙাল,

ফুলর গং লাঙ্লে বাহিয়া ষারগা,

হজাক অয়া থার আকগ শিচিল সাহিয়া ।

এপেই পথ নেই । কুংগদে বিত্তেইগা ।

এপেই লপুক নেই ।

এপেই নুয়াগাহ রইদহানাং মেইথং লুকার ।

এপেই চিরজনমর দুঃখ

উরহানাং করিয়া

লেইরাপি মালকে আহির পানির গজে

বর্তি আগ কুপিদি ।

তোরাং লালইলু

মেইখংহানাং আছিল আহির পানির ফুটাগ মাপুছিয়া
বুকসি দিয়া মাতলে—ম্যা, কিংভাউ নাপই, ইমে।

মেইখংহানাং নাপয়া আহং আহির পানির বিন্দুগ
ভি অইলৌ যাত বেনাই কিত্তার হুংখহান তেইয়াং।
আহির পানির বিন্দুগই না খুমকরল।

বুকগং হুংখহান পুলকয়িয়া সমুজ পাবে যাতী লক্ষ্যগর ভলে
জোনাকর মিঙালহানাং বাসেয়া আছে
কাপানানকাং আংকরলুগা—

কবিরে আহির পানিরে

তোর বুকগর মুক্তা বিন্দুগর লগে উপমা দেছি
মোরে বাগা লংসারহানাং তেইর কিহান হুংখ
মি উপমা উৎপ্রেক্ষা নিমূল করানিরকা বানুকহান দরিং।

কথিতার লক্ষণি বুনটুকা অর

ইনিংসা নীলুয়া বোহান অর। হাতহান সমুজর গজেনে
হাহাকার কয়িয়া যারগা।

চুলগর আবারহান গলিয়া প্রকৃতিহান বুঝানেয়

বানাহান বাহে বাহে কুরাং মাতল' গেলগা

উতাউ হারল। নুসারলু—তেই কিয়া কামলভা।

কিয়া গালগর আহির পানির বিন্দুগ

মুকসির মিঙাল অলকেয়া ভালকরেছিলতা যাদানর হাগহান।

মি মাতে 'নুসারলু—তোর আহির পানি মি পুছে দিতৌ।

মি মাতে নুসারলু—তোরেস হাতহান সমুজ লালইতৌ

মি মাতে নুসারলু—আতহান আকখুয়ম দে

মিসকরা চেইং হুংখান নিরা শাকুদিগা নেই ।
 মি সিন্দুকগ মুকেরা মাতে নুন্নারলু—মুক্তা ডাল গারগৎ গিদ ।
 মি কিংতাউ মাতে নুন্নারলু ।
 জাওর পাতাহানির ভলে হপন আহান পারে দেনা নুন্নারলু
 মি কিংতাউ নুন্নারলু ।

ভোরাং লালইলু বার আকখুরুম ।

দুরেইতে নাকরিছ

ভি কুংগ ?
 কিংতাউ জংতাউ নেইগ ।

কুরাংতে খার ?
 হপনে বার টেইপাতে ।

কিতাভে করর ?
 নিরাম হিনপেরা আছ ।

কিহানতে পারর ?
 লেইসি বেইসি ।

কিরাতে জিংতা অরা আহং ?
 মিও হার নাপাছু ।

কিহানতে মনার ?
 ভি মোরে চাদি হাদিৎ পালেইছ
 হাদি হাদিৎ বানা পেইছ
 দুরেইতে নাকরিছ ।

বিপ্লব

মি বিপ্লব বুলিয়া চিকারি দিলুতাই

আতহানাৎ নংমেইগ পেইলু ।

জিন্দাবাদ বুলিয়া লৌদিলুতাই

নংমেইগৎ গুলিগ হমেইল

আর মি কাবোউ ডর নাপাউরি ।

যে শকগর যে অর্থহান মি মাততো ঔহানেই অনা ।

যে উপমেয়র লগে যে উপমান ব্যবহার করতো উহানেই হাইহান

মানুহে হারপাকা হারনাপাকা, য়াকরকা নাকরকা ।

শক অর্থ য়ার হাবি অলঙ্কার আজিৎত মুস্তি পেইলা ।

আজিৎত মুস্তি মাতো মানে আঙুলিগি ।

আসাংপা বুললে থম থম করের তোর আঠার বজর

চিকৎলেই বুললে আঙেইহান কারেছৎ পিঠিহান ।

ভাদ্র বুললে উরংগি, বার মাঘ রাতিকার আখারহান বুললে

তীর্থর মন্দিররমা স্নেককরেছি মূর্তির সাদে তোর গারিগ ।

ইঙালসেনা বুললে তোর নান মসৃণ

মুন্ধ পেটংগৎ নাভিগ বুলিয়া হারপানি ।

লেহাও বুললে লেহাও নাগই—অরুমানি ।

চিং চিং বুললে গুমজেছে গাটহানর সাদে তোর চুল ।

এখুরুম এসাদে উপমা দিটাঙাই —

লেইসেনার ইকাইতানি পারা পিচুমগির তলে

চুমপুল চুমপুল খোরাও হুহান শাতরা

নাপুর নামসাগ পারা বুকগৎ ডায়া আছে ।

নুংলি উরংগিং লামিয়া গেছেগা

লেউ ফুলর চতুর্দশী জোনাকহানর সাদে

মিঙালে হিনাছে হপন আহান ।

হে ইরিং পারিং । ইসাং সাং ফাঞ্জাবির
 আলা নওয়াং লিরি লিরি বোহান অলর
 থোংগর মাঠিরাহান কোনায়াচির সাদে লিকলিক করেছে
 মেংসেল আহানর আশাহানাং ।

থাইনাকার কলিং করেছে শব্দ ঔতা ভালকরিক
 আমারতা মাংকরিলতা কিংতাউ নেই ।

লিরি কুমুম ইতাই অয়া ইরাঙে ফিজেং সিয়াও
 আঙাসেনা জাপনুংসি মইরাং মালছে চাউনিং
 তানাপনা নেই কোলেমর আচুম ইঙালেছে রেইমার্চু

যেগই এরে শব্দ বিপ্লব এহান নাকরতই
 ঔগর বুকগং বিদানিরকা বি গুলিগ এরা দিতো ।

আহিথম

ফুলগংত জড়িয়া পড়িল আহিথম সেন্দাকার ছেয়ায় বেড়াছে
 মিঙালহানর সাদে মেঙয়া ।
 আহিথম তি পিচুমনির তলে জিংতা অয়া থাইতে কিভা কিভা দেহেছিলে ?
 আসাংপা হুনাং হংকরেছি দিন এহান লাহ্লে মাঙয়া গেলগা লাহ্লে ।
 আহির পানি খুংতাঙে । আহির পানি ।
 আহির পানিঙে সেঙ সেঙর কুপাঙহানর সাদে জোনাক আহান
 রাস পূর্ণিয়ার দিনে
 কুমপেই কোন হাংহান বুঝে শাতছিল আহির পানিঙে । বি আহির পানি
 আহিথম বিসাকলু
 আহিথমরমা মাঙহেগা জোনাক ঔহান ।
 আকতাউ নাপেয়া দিনহান লালয়া গেলগা । রাতিহানো ।
 আহিথম ! চারিয়বারার রূপ এহান কায়ে দেহেইতু । কায়ে ?

আকতারগউ নাগই

আধার এহানে মিঙালহানে রইদে বরনে
দিনহানে মাদানহানে মাতলা - এগ আকগদৌ কানা নাছে ।
এগর আহির পানি অমাটিক নুনটুকা নাগই
আহির মিঙালহান উম নাগই ।
বুকগর শূহানাং নিংমাহান জাছলে হাহাকার করেব ।

জেউ ফুলর সাদে বসন্তহান
কবিরে লেংকরেছি নাসিকার চুলর সাদে—মেঘলা হাগহান
খতুমতী লেইসাবিগর সাদে গাটহান
জনমহান মরণহান টেইপাংহান হপনহান
হারৌ পিয়ম
রাজাগর মুকুটগর সাদে রাতিহান
কারতাউ সেবা করানি মুন্নারেব ।
এগ আকগদেউ কানা নাছে
মিনাইগ করে খনা নাকরল এগরে ।

এগই দেহেহে হপন ঔতা হাবি জাগছে
এগই মাতের কথা ঔতা আকহানৌ না ফলের
পানিহান মাগলে ধরা অর
রাতি রইদহান বিসারার
আষাঢ়র মেঘলা বেলিটিকে
জোনাকহানরকা কাদেব ।
এগ আকগদেউ কানা নাছে ।

এগরে এরা দেই, নিকালোদেই
আকখুলাগই পৃথিবীর পথে পথে বুলিয়া থাকগা ।
তা আকগরগউ নাগই ।
আকতারগউ নাগই ।

মেঘমল্লার

কুমজিয়া আরে পৃথিবী এহানর গারিগর গজে
বরিবাহান অয়া লালয়া পড়িল ।
লাজহানে নুঙেইহানে রমকাটা দিল পৃথিবীর গারিগ ।
হারৌহান মেঘমল্লার অয়া
বানাপেয়া গেলগা গারিগর এম্বর হৌম্বর ।
নুঙেইহানে হাপদিল গারিগর এম্বর হৌম্বর ।

প্রিয় মিলনর এরে পর এহানাং
জাঙর নখে লাভইল ফুলগ,
নাভিগৎ বরনর ফুটা
গানর বিন্দুগির সাদে জড়িয়া পড়িল ।
বুকগর থামপালগিয়ে হাগহানর বেদে
লাজহান বাগিয়া মেইখংহান তুললা ।
বেলিহান, জোনাকহান, তেরা—হাবি লুকেইলাগা
মেঘর হাদিৎক সপ্তর্ষিয়ে আশীর্বাদ করলা ।
অরুন্ধতীয়ে বেলি হমানির পরে পিলাদিল নিরালে সিন্দুর ।

শ্রাবণী সংক্রান্তি পেয়া প্রিয় মিলনর ঋতুহান ।

হমাজক গাটহানে ভাদ্রং হিনাদিল পৃথিবী এহানরে ।
সেনারেই মাচুর বিমান আহানাং
পরিপূর্ণ অয়া তেই মেইখুমহান সেচেইল ।

কবিয়ে তেইরে চেয়া মুহু অইল ।
তার অন্তরগৎত কামহান সেচিয়া
প্রেমহান উজ্জল অয়া ডালৈল ।



সর্বনাশ এহান

আলথক করে নিলেগা ফুলডাল
সেমাং দিহানে মাদানর মিঙালহান আলথক করে নেবগা ।
আতহানি পুলইল শিরাগহান ।

হে শিরাগ । হে বকে টাটিয়ে অহ জনম এহানর শিরাগ
তোমাং জাঙর ভলে পেপুয়াগর সাদে অহ আগল
দিন মাছা যুগ যুগান্তর আটে আটে

এরে জোনাক এহান অ'র মোরহান নাইল । কারহ'নভে ?
ডালহানর ফুল ঐভার সাদে চইচইনাঙহান আহে
জোনাকর মিঙাল এহান কুংগইভে লককরভাই ?

কুরাং তুমি বরন মাদলর শত্রু, রকভর শত্রু
ফুলডালর শত্রু, এলার শত্রু, টুনিংসার শত্রু
শত্রু না সেকনাপা কিহান মাতানি তোমাংরে ।

বোঁধানাই চারির বাসাদেংত নাছিলা মাতলা
শকর ফিরাগহান দরিয়া আমি উবা অইলাং

হে হুংখই ভহেহ লকগি, কনাকভ আহং বিমাদ
কিঅংহানর বিতরে উমহান অরা
ভাঙর খেরি আগং দেহিলে সংসার এহান

অটগং খেঙকরেহু জনম এহান ।

নষ্ট অহে ঠই এগ চেয়া জনমহানে মাতের
সর্বনাশ এহানৌ কতিহান চানা হবা অগেহেগাত্তা !

ভিক্ষাহান

মি তৃতীয় বিশ্বর লেইরা, কালা, চারা এলকরেছ
নুয়ারা চেলপা কনাক শৌগ তোরাং আতহান পাতেছ ।

তি কিসাদে ঐশ্বর্যর অলকাং থাউরিগ !
তোর গারিগ নুয়া রূপাহানর সাদে ঙালছে ।
তোর কচুহান চানৌর খাতর সাদে,
তোরাংত নুঙেই আহানর ফাপ নিকুলের ।

মোরতা ফুতি ফালি নেই, আহিগিং হপন নেই,
মুরর গজে চালহান নেই, আতহানাং কাম নেই,
জোনাকহানাং মিঙালহান নেই, ফুলগং হারৌ নেই,
বইদহানাং বানাহান নেই, বরনহানাং তিরাসর পানি নেই,
গাছর পাতাং বোবানার কণে মাতৌহান নেই

মিতে তোয়কা জিংতা অয়া আছুগ ।
হারপাছু আকদিনতে তোরে উনা আইতউ ।
দিন ঔহান্ন বাত চারা আহান নাগই—
তোরাংত মাগতোতা গোপন নুঙেইপা আহান
তোয়কা বেজানির আহির পানির ভগ্না বিন্দু অাগ

গরুগ

‘কি গাঙে থাং গরুগ গিরক খানিক করে মাত ?’
খুমকরানির কথা নাপাউরি মি
আসাংপা গাঙ মারুপমাংসাং মজা তেরা
বর্তি লাগের তুলসী পুঙে
মুরর ফুতি ইনাফিহান,—হারি মিতে নিংসিং অছু
‘গর কি গাঙে ?’—আলথক অয়া মাগা পরহান
লপুক সামো আহির পানি ।
‘গর কি গাঙে ?’—মোর হমাজির আহি থমে ।

মেংশেলহান

মোর আতহানানাং মেংশেলহান

টুমাটুমা অমা বাগিয়া চারির বারমে লিতাবেল দাতিল ।

রকতে জালাগ আইল বেলির মিঙালহান ।

মানুহান হাবিয়ে হার হার করলা

জমেংত পাহিয়া ফরদিয়া গেলাগা

খেলভায়া শোয়ে কাদিয় মালকরাং চেপইলাগা

মোর আতদিয়হানাং কিংতাউ নখাইল আর ,

গাটহান কই

মি মেইখঙহান চেইং ।

বিমানহান কই, আধারহান কই,

জিরানির পরহান কই

আকখুরম ঠই এগ চেইং ।

জনমহান চেইং, হারোহান চেইং, য়ারোহান চেইং

বানাহান চেইং, সেকনাহান চেইং

নুঙেইহান চেইং, মুংশিহান চেইং

বরিহাহান চেইং, মাদানহান চেইং, রাতিহান

সংসার এহান, গর এগ, ঠই এগ

কাদার মানু, দুরেইর মানু

মোরে মি চেইং, ভোবে মি চেইং ।

আর চানাহান নাইল ।

ভানুর শাত পাহরলু, নার শাহরলু

মিংকৌ কিতা হাবি পাহরলু

কিহান মাততু ঔহানৌ পাহরলু

নিংসিং নাউরি কিংতাউ ।

মেংশেলর টুমাহানি, কিহানতে খাইল মোরকা !

লাহুলে গেলগা

আধারহান থাইতে সিংগারেই আটিয়া বাসেয়া থাইল পথ এগর খোঁরাঙহান অয়া । তি আটিয়া গিতেইগা বুলিয়া দ্বিগবারার ইকাইতাপির ফুল দুয়'র হাদির তেরাগির সাদে আহিগি মেলেছিল । নীলুয়া হাগহানে সেকপিল খালকরেছে । বিয়ানহানে থামপালিগর সাদে নুংশিপা ডাল আহান বিলাছে । বেলিটিকহানে আছে অনন্ত সেনারেইগ ।

বিয়ানহান লাহুল'র শাতইল দিন এহান আপগানে গইগ অইল । পথ এগ হজাক অয়া থায়াও কানা নাইল । জাঙর পায়া নাপড়িল বাসেইলা ঐতার আহি মামইল । চেইতে চেইতে রাতিহান অয়া মুখাল আহান টাঙেদিগ । দেহানি নাইল তোর আহানিহান ।

হমাজি গাছির গাঙে

নিংসিংহান তি ঠইগ প হিয়া থাক বুলিয়া হমাজিয়ে জুরাগে পিদল ফুল ঔজারবা' বর মাগলু । মা স্ত মাততে নিংসিং অইলু হমাজি গাছির গাঙহান পরগ । পহুরিগ পহুরিগ পারগৎ পথগ । পহুরিগৎ কুনারেই । পথগর কান্দা দ ইকাইতাপির ফুল শাতয়া আছে । আলিগৎ লাইপিরুক । হাবসি আহিগৎ বাহের

এলার দুয়গই মোরে বের' বের কুড়ি ছলকরের । হমাজিয়ে পাজি কাটিয়া ছনার লুরি নিকাসল 'লুরিনান' তি কই পথ পরিক্রমা করতেইতা ! মিও মাবুকরীর খুগসিগ দরেছ । ঔগৎ অয়া জঙতই হমাজির বানা যেককরেছি ফুল রঙর মিকুপ আহান

হমাজি তোর নিংসাহান বরনে ভিঙেছে মাদানর বোহান অয়া মোর গাবি এগ চিককরে দেব ।

আকদিন মাতেছিলে—মোরে না পাহুরিছ । অনন্ত পথ লালয়া ঔ মিকুপ ঔহানাৎ, ঔ নাপাহুরানিং দানা মনাছু । পথ এগ কারলয়া নানিয়গা আকগইয়ো ।

কথা

পথর হাদিৎ পড়িয়া আছৎ হিলগ, তোরতাউ মাতিল কথা আহান আছে

দিল স্মারি আহান আছে

খংহান, খংহান, নৌগ, খংমেইহান হাবিরতাউ কথা আছে

দঙ্গা চেহান ভিও মোরে হাদি হাদিৎ কিহান আহান মাতর।

মুরগৎত খরুয়াগ পেয়া লামছৎ—ডিগল চুলগ,

পিঠিহান

কাকালিহান শকয়া

অমাবস্য়ার রাতিকার

বর্গাহানর মাদে

কথা আহানল

লামিয়া

আইহৎৎ :

মিতে স্মারি আহান দিৎ বুলিয়াও দেনা নুস্মারিয়া আছৎ ।

দঙ্গা চেহানর লগে, হিলগর লগে, খং, নৌ, খং,

তোর চুলগর লগে, চুলগাভির নান কালা উম ইংহানর লগে,

চায়া এলকরেছে রাতিহানর লগে,

নুস্মারা পানিল হিনপাছে সময় এহানর লগে

লেইরাপা কর্মহানর লগে, মোর লগে ।

মোরে ডায়া দে চুলগ, মারন দে পথর হিলগ,

কথা আহান দে পানিহান,

বুকগৎ খাংআংহান বিদাদেছৎ জনমহান

মোরে কাদানি আহান দে ।

মানুর কথাৰ অর্থ নেই শব্দ এতাৎ বুৰে ষাওরিগা

মোর স্মারিহান দেনার আগে ।

কথাহান ! মোরে আতহানাৎ দরিয়া হুল ।

তোর গারিগৎ

তোর গারিগৎ পামপলগিৎ থরুয়াগিৎ

লেউ ফুলর কচুহান নাছের ।

নীলুয়া হাগহানর গুমহান বাগিল ।

উত্তরর টেঙাংগত আহেছিল কঙালা কুড়ির বোহানে

খাংতা তোরে পেয়া কিহান করত নাকরত !

হপনহানর আত দ্বিরহানিৎ মন্দিরাগ ।

মোর রকতে জ্বিগ লাগিল—জ্বিগ

তোর জাঙর পারা পড়েছে পথগ বুজে

নুপুরর সাদে উপমা উৎপ্রেক্ষা জড়েছে ।

শব্দগি চারিয়বারাদে বাসেয়া থাইলা ।

তোরাংত জঙের অলঙ্কার উতাল কবিতারে সাজাদেনারকা

তি মোরে

তি মোরে কথা আহান মাতানি মনাছিলে পাউরি,

কুরাংত বৌ আহান আয়া ফরুয়েয়া নিলগা নারগ ।

মোরতা আর কথাহান মনানি নাইল ।

খোরাংহান চেবৌ আগর সাদে বাসেয়া থাইল উঠানহানাং .

দুয়ারহান না মুকেইলে তি ।

তোর লগে আর উনা অনিহান নাইল ।

জনম জনমে তোর কাদাং থায়াও

হপনহানাং থংমেই দ্বিরিয়া বাসেয়া থায়াও

তোর মেইথংহান হবা করে দেছে নুয়ারলু ।

হাবিতা দিভেই বুলেছিলে আতর তারাহানাং

আহির পানির ফুটা আগ জড়িল

স্মৃতি

তোর মেইথঙহানাং কই জনমর স্মৃতি ।
পহরিগর কুনারেই শাতছে উতার লগে
তিও উরংগ বুয়েয়া শাতয়া আহিৎ ।
খোঁনুগৎত পামললগি লালয়া আতর আঙুলিরেদে
মিঙালহান লিরি লিরি বাহিয়া যাবগা ।
খোঁরঙহানে মাতেরা বারগা স্না বেকনিহান ।
সংসার এহান ইমপানি অয়া আছে ।
মি কিহান মাতিং বুগিয়া আহেছিলুগ কিগই জানে
পাহরিয়া থাইলু যানার ফামহান ।
মোর ঠই এগ পানিহানর মা গলিয়া পড়িল ।

পৌ

নারগরে মাতলু—চারিয়বারা বিসারেরা পৌ আনগা ।
কতহান থায়া প্রতিধ্বনি আলথক অয়া আহিল ।
আংল—রইগ বরন বরিষা লাংপাল বিমান মাদান হাবিগদে গেছিলুগা
থাকেলোহাও জারিং আকগ ফুল
কনাকর লগে নিংসিঙর থঙহান অয়া আছে ।
ঔগদে লালয়া দুবেই দ্বীপ আগর চেইলুগা ।
কই দিন কই যুগ কই জনমর ইপনহান
নুংলিগা গং আহানে রাহিয়া আছে !
নেছিলুগা অভিজ্ঞান ঔগ মাঙকরিয়া পরিচয় দেনা নুয়ারলু ।
পানাতে পেইলুগা । অইলো আগরে আগই চিনে নুয়ারলাং ।
আগর মাত আগই হার লাপেই লাং ।
প্রতিধ্বনিরে হাহাকার করিয়া মাতল—
মোরে কিয়া ঐ পথেদে বার দিয়াপেঠাছিলেজা ।

মেয়েকগ

বুকগৎত মেয়েক আগ চেহানাৎ জড়িয়া পড়িল ;
নিককরানি অকরল জ্বিনজ্বিনিগর মিঙালহানর সাদে ।
মিঙাল ঔহানর নারগ ছনিং বুলিয়া আডেলা চেষ্টে
আঙুলিগি ডিঙিল আহির পানিল ।

আহির পানি, মিঙালহান বার মেয়েকগ,
তুমি কিয়া আকখুলা আকখুলি ।
মোর ঠই এগর ডুকডুকানিহান তোমাং রাহিয়া বরা থাইতই ।

বুকগ ছদাঙ্গ আছে, অয়াও থাক ।
এপার হোপার হাগহানাৎ খেঙছে লপুকগ আছে, অয়াও থাক ।
সেন্দাহান পেয়া গেছেগা পথ ঔগই
মেয়েক ঔগর পায়াহান বিসারাব, অয়াও থাক ।
মোর বুকগর শব্দহান তোমাং দিলু ।
হুদিগর বনহানাৎ আহিল পাহিয়াগই তোমাং রাহক,
মেয়েকগ ! তিয়ে মিয়ে আকপেই থাইতাঙাই ।

হপনহানর কাদাং

বোহানে তোং ইনাফিহানল খেলাউরি বুলতে গারিগ শকয়া ফাগি দেব ।
ঠইগৎত নিকুলেহে বকতর গাটহান লেহাও বনহানর কাদাদে বাহিয়া যাবগা ।
বিশ্বসংসারহানাৎ প্রলয় আইতই, ভূমিকম্প, মাঘর রাতি কাল
বেলিহান, সমুদ্রহান ছকতই, পরিবেশ ধ্বংস আইতই । খরাই পৃথিবীহান
পুড়িয়া নিতইগা । মোং বকতর গাটহান লালয়া কাদাং যানা দে ।
আত্মদ্বিহানল তোং কালকরিং বোহানাংত, বেলিহানাংত, পৃথিবী
এহানাংত । হপনহানর কাদাং তোং গুমজাদিয়া থইং ।

রাতিহান

হে রাতিহান, নক্তহান, হে নড়েই মন্তলহান।
মি গোরাং অতিথিগ অয়া আহেছুগ।
আজি কি তিমিহান আধারহানে হার নাপেইলু,
মোরে ঠাককরে দিহ।

হজাক আই তুলগাহি, নিরালহান, গিচুমগি, অটগি,
হজাক আই মল্লহানর মেয়েকগি, চুয়েইহান
জাতর আঙুলিগি পেয়া লামেছে জনম আহান
রকতর ধারাহান হারগা মাঝেই শিঙলেই
জমে আছে পাহিয়ার জম আহানর পৌ
গাঙ আহানর ঝারি,
বাত গাছি নাহাছি, হুংথ পাছি, হুংথ পানা নাজানি মানুর নিংসাহানি
ফলি দরেছে আহিনির তেংত আছে ডালহান
লাকতেই করেছি—মারোহান।
মোরকা পিরাহান আনো, ফিটা পারেদেই
আজি মি রাতি এহানর অতিথিগ।

হে রাতিহান। মারুপগ না মেকনাপাগ, মি অতিথিগ
জনম আহান বার মরণ আহানর হাদির
গরশৌ এগং মিকুপ আহান জিরাং।
চারিবেলে প্রলয় পয়োদি।

জোনাকর মিঙালহানরে

জোনাকর মিঙালহান! মানু এতা নাহেয়া আজি থাঙো
তোর মেইথঙহানাং দুঃখহান নেয়ছেতা কিরা।

হমাহান

আখারর থঙহানাদে লালয়া ঝাউরিগা ।

শূকতা আহানাত্তে আরাক শূকতা আহানর লগে সাগছে
এবারাদে সকইতো নেই, হৌবারাদে সকইতো নেই
কুংগ কুমপেই আছতা চেই ।

শাতনে ফুলগ শাত.উনা অয়া, শক আগ আন
তিরার সাদে চৈহান বুজে ফরদিয়া ঝরিগা বানানুংলি ।
মোরতা যেসাদে দুঃখ আহান আছে
কুঙ্গর গৎ এহানরতাউ থা খাইব আহান ।
নীলুয়া হাগ এহানর, গাউহানর হুতগর যৌবন এহানরতা ।
এসাদে—সংসার এহানর হাবিরাং
ঠুনিংসাহান আবীরর সাদে অয়া থার ।

কি থঙর পাহিরাগ, কিহান আনেছতা !
কিজেহান ওমজিয়া আছতা কিরা !
যানর পর কিংতাউ নেয়ছে । আত দিন্নহানির হমাহান
আখারর থঙ এহান লালয়া ফোঅনি পারতইতা ।

এপেই থানা

হাবি গেলেগাও তোর আহিগির উমহান থার ।
আতহানি তুলিয়া মাগলু ওমহান দেনে, ওম ।
বরহান না শিরাপহান এসাদে এপেই থানা !
হাবিলে মাভলা—আয় বরা বিদেশী গিরক
বুকপুন্নমা ললহান অক বিরহ এহান
হারৌ স্নারৌ নুংলি বার থানা—
এপেই থানা আরতে কিতাল ।

কুকুরগরে

মানুর দারিৎ গুমজেছে কুকুরগ
মোরকা হংকরতাই স্মৃতি সোধ ঠগ
আকুবালা তোর নাঙে ইকরেদিয়া মিভোনা । হিন নাপেই ।

কমগ ডহিল

যেইখতহান চেইতে কমগ ডহিল
সংসার এহান পড়িয়া খাইল আগদে ।

চিনতেই নাই

পৃথিবী এহানর ডাঙর সড়কগে উবা করিয়া মাতলে—
বারদর গং, রকতর দাগ, সমর এহান কানথিকালক স্নোঅছে ।
আতহানাং স্টেনগানগ, ঝুটোর গজে সানগ্রাস পিদিয়া
কুংগ চিনলেতা !

চারিবেলে উগ্রপছা বার সগ্রাস বার পণবন্দী বার গুপ্তহত্যা
এতা নাই বিপ্লবর রৌ । এবাকার ভাষা ।

মিতে কারৌ নাচিনু, কার ভায়াউ হারনাপাছু
তি মোর আতহানাং দর, মাতহানদে, চিকারিগ অ,
আহিগিৎ হপনহান, আতহানাং নংমেইগ, নারগং গণসংগীতর মুরগ ।
তি মোরে জিজ্ঞাসাছল বাদ, মি ঔগাছ দিড়িৎ ।
তোর গংহান বুকগং পুলিশর গুলিগ অয়া বিনক ।
মি পিচ দেছি পবনং মরিয়া খাইতো ঔবাকা
পথর মানু গজেদে লালয়া মিভাইগা,
আকতাই নুঙেই নার। মাততাই—কিসাদেগ থাংক
কাম চিলছে এবাকা পথগ থেপকরিয়া মানু হিন দেয়তা !
ঔবাকা মি মুকসিহান দিয়া খালকরতো
আকগই নাচিনলেউ তিতে মোরে চিনতেই নাই ।

আইগা

মি যিংগা বুললু আরো তি মাতলেতা—আইগা ।

স্বর্গ মর্ত্য পাতালে আকসাটে সেলপুঙহান রহিল—আইগা ।

উত্তরায়ণে গিয়া উবা অয়া থাইলগা বেলিহান ।

অনন্ত তিরাসহান, অনন্ত বকহান তুমি খাই ।

পৃথিবীহানাৎত লয়ইলগা পারাহান তুলানির আগে

মি আতর আঙুলিগিরে আংকরানি মনাউরি

তুমি হিনপেইলাইতা !

আহিগিরে আংকরানি মনাউরি—তুমি ঠুয়ইলাইতা !

মনহানরে আংকরানি মনাউরি—এতা হাবির হাদিং

হুরার ঠুমশো আহানে ভোরে নকয়া নাগেছেগাতা !

বুকগরে আংকরানি মনাউরি—ভারহান কাছিল জনম এহান

তুলিয়া থয়া নিয়ায় হিনপেইলেতা !

হিন ওহানর হাদিং হারোশো আহান লুকেয়া আছিলতা !

আসাংপা বোহান

রাঙিয়া পলাঙগ

আন্দিয়া খঙহান

মাংক্রামাচুর আশাহান

নাভিগর জোনাকহান


জুরাগর থামগালখঙগ

ঠৈগর সেনাকাটাগ

ভুমিতে কিহান মাতরাই

স্বর্গ মর্ত্য পাতালেৎত হাবিয়ে আকসাটে মাতলা—

বার আহিছ ।



(“বিষ্ণুপ্রিয়া মণিপুরী কবিতা যদি গারিগ পেয়া খার ঔহান
ধনজয়রকা । মনহান, ঔহান, ঔহানৌ তারকা” ।)

সম্পাদক (ত্রিপুরা চৈ)



পূর্ণিমা লেইরিক লেইসাং

জ্যোতিনগর, গুয়াহাটী ৭৮১ ০২১

সিদ্ধ স্কীন— এড্‌ওয়ার্ল্ড’